

重修郟城縣志序

郟之見於春秋也尙矣溯所自出郟子爲少皞氏苗裔武王分封茅胙爲魯附庸由來最古夫自古迄今時勢遞遷罷侯置邑變更不可紀極矣卽郟亦嘗革於唐宋間久之乃得仍舊君子見其名而興復古之思是究是圖則必於志乎取法焉考諸原書作自前明殊乖義例甚至典祀瀕入釋老選舉雜以蠲貲春秋謹嚴之謂何古聖賢問官傾蓋之遺風又安在歟前令深澤王君慨然釐正既屬草萊未付梓人渤海張君嗣宰是邑百務畢興修水利築河防舉節孝育英才念茲十餘年來可述而志者甚多定用重修竣事烏虛爲吏日校

郟城縣志

簿書鮮從事於文教寧復問志之得失哉若張君者可謂知所重矣漢書循吏傳有言儒者通於世務明習文法以經術潤飾吏事輒有治理效君之謂歟余以觀察二東兼攝藩篆適觀新志告成深幸復古之有人也於是乎書

萬壽恩科揀撰特用刑部郎中誥授中憲大夫分守濟東泰武兼管水利通省驛傳道署理山東承宣布政使司布政使加三級紀錄十七次尹嘉銓撰

乾隆二十九年四月初五日

重修郟城縣志序

郟城古郟子國也周封少皞氏之後於郟爲魯附庸春秋魯昭公十七年郟子來朝昭子從而問官焉郟子數典而述其祖以對孔子聞之見郟子而學之而嘉其克守先緒不失舊物其崇德象賢秉禮悼信所積習然也秦漢以來割隸分轄遞有沿革載在前史明初改縣爲郟城領於沂州尋又屬兗屬濟國朝因之雍正二年分沂州爲直隸州十二年陞州爲府而郟遂爲沂專屬附邑矣邑介南北之衝自漢迄明疊遭兵燹地濱河海水潦頻仍一遇災沴民居蕩析以致文獻凋殘典籍闕如聖朝御宇休息恬養百有餘年欽惟皇上軫念

郟城縣志

民瘼愼重河防賑卹疏濬茲郟邑不惜帑金十餘萬之多翠華臨幸指視規畫省方問俗惠澤有加焉太和洋溢百穀順成三時不害凡茲士庶熙熙然如遊光風化日中所以咏盛德而矢弗諼者詎安可以不志哉按郟志昉於萬歷之十有三年世紀遼遠外訛聖漏舊帙散失同於杞宋之無徵直至康熙十二年郟令張君三俊同前令馮君可參纂訂成書距今又八十餘禩矣列聖相承重熙累洽制度文章日新月盛孝義節烈比戶可風不加採輯其何以訓方俗而備咨諏乎余受命典郡巡歷屬邑至郟而辨山川之險易視土田之肥瘠觀風俗之澆淳因以景仰前猷訪求古蹟其縣西十里

爲傾蓋亭孔子與程子之路遇交談處也去縣西北七十里
爲磨山曾子之遊學地也緬至人之馨歎證一貫之心傳音
微雖渺遺址猶存爲望然遠望者久之既而邑大尹張君以
所輯縣志凡例見示而請其序於余余披閱條例蓋前令王
君楠所創定張君蒞事後同邑紳王庶常考訂以成帙一本
春秋謹嚴之義年經月緯微顯闡幽不支不蔓有綸有要誠
哉爲一邑之信史矣夫比事屬辭春秋教也春秋左傳紀鄭
子之言曰吾祖少皞氏之立也鳳鳥適至故爲鳥師而鳥官
五鳩鳩民者也五雉夷民者也九扈爲農正扈民無淫者也
縣令一官有鳩民夷民扈民之責焉郊雖最爾邑乎遵斯志

郟城縣志

三

也率由舊章進斯民而復於古異日者政成報最鵬搏鳩舉
攀鳳翼而贊鴻猷以上佐聖天子邛隆之化余與張君有厚
望焉遂不辭固陋而爲之序

誥授中憲大夫知山東沂州府事加一級紀錄十八次又軍
功加一級紀錄二次前廣西桂林鎮安平樂三府知府長洲

宋敵靜山氏撰

時乾隆貳拾捌年歲在癸未陽月吉日

序

孔子言夏殷之禮致憾於杞宋無徵而推其故曰文獻不足
是知文獻所關綦重也今郡邑之志其文獻之寄乎古者國
皆有史龍門始彙萃爲史記而志居史體之一後此如華陽
國志之類實兼表志論贊之體與史相埒故志之爲事無論
缺略鄙俚者不足行遠即操觚之家不難以文章飾吏治而
或浮豔無實藻績足以揜眞義例弗嚴名器浸以多假又或
體裁不明紀載繁而未規於正綱維莫舉部署雜而未就其
班其距儉陋者亦復幾何余初調茲邑披閱故牒有未免如
前之所云者顧地居瘠敝之區重以積歉之後荒饑滿目仰

郟城縣志

序

四

屋棘心方爲民請命之不暇而何暇以文事爲幸值聖天子
照臨所至無微不燭最爾一邑時切軫念既賑救遞加復允
撫臣之請興修水利以謀永久兩載以還饑者甦流者復沂
河築墨河疏訟獄漸清民氣恬適意亦徵文考獻之一會乎
余迺得假簿書餘閒芟蕪益簡眷別嚴核且於大目中補編
年附餘兩帙復於細目中詳河渠倉儲諸務其說略具於例
言而余所瞿然勿釋於懷者郟民災變遞經子遭幸免之餘
生皆余所目擊而神怵其歷世以來所有傷危困厄之已事
又余所披卷而心悉故是書取以爲文者逞逞多危語目以
爲獻者逞逞多憂思而不敢使郟子遺黎僭齊魯名勝之

蹟一涉鋪揚凡以志其實也雖然官與禮一也二代之近其後竟無傳皇初之遠鄒子能言之鄒固聖人所嘗取裁也以今天子之所慮念與古聖人之所諮詢皆在是邑其亦將化瘠區爲樂國講禮教於邊隅而勿以編小自閼乎是非司牧之責而誰與歸

乾隆十有四年夏五深澤王植撰

鄒城縣志序

縣之有志所以備一代之參考而昭法戒於來茲也故周官有外史之職以掌四方之志鄒雖彈丸末邑卽古之鄒國也問官傾蓋聖賢之模範垂示於不朽者昭昭可攷其間之名臣碩儒以及節義孝友之士代不乏人顧可使之世遠年湮泯沒而不彰歟况我朝政成化洽淪骨浹髓百餘年來因革之周詳民物之繁衍風俗之淳厚人文之蔚起與夫學校政令之廣盛尤不可略而無所稽耶斯志之修成於明季萬歷十有三年邑令顏公已時代更易遞變各殊矣本朝邑令王公諱植者宰治斯邑睹編簡之歷年已久慨然有軼缺之歎爲之蒐羅往古博採群議筆削愈嚴紀載益悉迄丁卯暨庚午斯志始爲告成乃未發梓而賦歸去焉歲之辛巳余來茲土檢閱遺稿見其起例發凡分門以聚類絜綱以統目猗與休哉何其詳歟因繼其後而續成之間有未備如我朝巡幸慶典黎庶蒙惠澤之普憲恩周遍閭閻獲溝洫之利以及十餘年中之未及載錄者商之司鐸王君復加探輯周訪謬爲補焉邑之紳士大夫樂觀厥成余遂請諸郡伯爲之序而竟其功庶後之賢者覽斯志以識王公之苦心而藉以有所參考也歟是爲序

時乾隆二十八年歲次癸未冬月鄒城縣知縣張金城撰

序

志卽史也重黎司正由來尙矣春秋史而經也龍門職掌永平典校以其官史者也盧陵五代紫陽綱目以其學史者也非識與筆則書不成卽成亦不傳史顧不重哉鄒古名區也鄒子系傳少皞雲官鳥紀聖人擇焉其地附於魯禮教信義之邦也名賢傾蓋宗聖講學炳炳烺烺蹟不沒也以故名流之文學節義愚夫婦之疾風勁草所宜表而彰之者代不乏人舊志始於前明萬歷續於國朝之康熙十二年癸丑歷八十餘歲至乾隆十四年邑父母深澤王公慮其久而缺略也爰取舊志增而修之公廉明剛果有政績事在本傳語中其

鄒城縣志

序

七

義例詳見自序屬稿未竟而去士民惜之又十餘年乾隆辛巳渤海張父母蒞任茲土清廉惠義寓精明於慈祥惻怛之中聽斷平允案無留牘開水利則躬親區畫興學校則不惜俸廉利興弊除士民懷德胥隸畏威詩曰愷悌君子父母之謂也比歲年豐政成民和遂於公餘取深澤未竟稿而纂成之心輯手訂懷鉛握槧而不以爲勞博採延訪詢及芻蕘而不以爲瀆徵覈必確褒揚務寔蓋本其生平之學一邑之政以爲今日之識與筆也恆於是歲告養在籍猥叨延譽重以下帷單思論道屬書之任稿定因不棄昧愚而就之商確自分弁鄙愧莫能贊間有傳聞異詞者本一得以參訂焉俾附

桂林一枝之列亦不讓土壤不擇細流之意與夫一邑乘也更二鉅公之手而成宜其大目宏綱舉標體製卮言寸簡罔非珠璣其章如日其麗如星其涵如海其和如春書則有典有則事皆信今垂後用以備聖天子之採擇而編諸觀風問俗之帙史也未嘗不有助於經矣恒欣逢盛事爰紀其始末於來茲以爲桑梓慶也

時乾隆癸未歲嘉平月邑人方湖王恆書於鄒之一貫書院

鄒城縣志

序

八

原序

明邑人張世則

郟城不佞祖邱也往不佞過家上家吊古尋幽慨然歎曰郟彈丸地耳乃尼父儼然而臨之問官傾蓋是獲益友曾子趾膺負簞來學於茲則所從遊亦必郟子程子類也郟固稱多賢哉夫鳳一毛豹一班上林一樹且足以誇美標異郟多賢如是是丹穴南山之叢藪而大官庖也顧學士大夫罔艷談之則以誌典久缺無所攷鏡之故不佞從仕南北不得執管爲役而私心惋惜久之今歲秋杪邑大夫顏使君械一書致不佞則哀然郟誌兩巨帙千百年寂寥之典故一日修明使君大夫哉誌纂於博士邱君而創體命意則使君也不佞詳

郟城縣志

九

味其中諄諄乎軫念民隱策勵人士思進之古先以勉副今郟隆之會其大較已彼郟子熟官職建置之名是能讀八索九邱墳典者述舊章而爲政必無愆忘富時之膏澤於民可想見矣故瑣尾流離之狀不概見於日尋兵戈之時今使君之措注業已播之民謠卽誌中所謂大都肉骨我窮氓嘯幽谷而春之卽所稱郟子奚讓焉夫世之鼓篋而遊挾冊而呻吟者質以里中故實則后氏之訓詁諸徐之華藻猶氏之博洽若不足多者緩頰而談豈不曰鄉有爲尼父友爲曾子師者其芳躅具在而使君乃鯁鯁憂勉以免園之冊博龍標之名非卑之乎毋爲高論也晚近世過爲矯世之論輒以煙霞

邱寧當之乎隱居而頽然自放其志不爾則藉口道德性命之談以文其空腹枯吻而號於人曰吾志吾學已若而人尼父曾子將麾之卽質諸后蒼諸君子諸君子且弁髦之矣尼父從周曾子思不出位假而一聖一賢生於斯能不漱芳握潤入對大廷而展其用世之志耶使君之惠我後學意良厚矣倘民不勤動而急公家士或媮窳而謝登庸寧不負使君與此誌哉此不佞序誌意也一以幸創典一以冀來轍也萬歷乙酉秋九月望日

郟城縣志

序

十

序

邑令 顏若愚

昔者先王疆理天下海宇之廣幅員之內莫不棋布星列燦
乎無容喙矣邨在春秋爲少皞氏苗裔漢唐爲東海郡山則
馬陵亘其左水則沐流經其東天無旱潦民無天札士循禮
義俗尚淳龐豈不侈然稱鉅邑哉而何今不然也是故風會
漸流雅道寢衰有昔有而今無者有昔無而今有者觀風者
於茲有深慨焉乃若神主環列魚鱗維襲成幃成兩含齒戴
髮昔何總總也今則逋逃半郊陬矣章袞相望址盛蟬連上
之壁畫廟堂下亦不失牧守昔何鼎鼎也今則青衿多囿滯
矣質值椎魯動作力田陳腐相因摩肩接踵昔何融融也今

鄒城縣志

序

十一

則淳風大澆淪矣山川猶故風景不殊乃世變江河增損沿
革月異而歲不同苟不取而更新之吾未見其爲信史也顧
徧寰宇皆志也而襲前人之唾餘則嫌於尙同駕無實之空
言又疑於爽實迨其甚者粉飾太過矜夸所長譽則飾櫝寶
珠羔衣狐袖祇爲有識者所鄙耳史有三長自古難之洗垢
索瘢世寧無遺論哉昔鮑彪校戰國策四易稿而後繕寫及
重校尙有新得先哲謂校書如塵埃風葉隨掃隨有諒哉邨
舊無誌邇來藍田趙君蛟氏令邨彙集成書議者猶謂其侈
而不備華而鮮實且年來戶口糧役視昔有加焉咸欲復加
纂修以補其所未備壬午秋愚自中州東徙時學博長樂邱

君問禮氏富於藝文工於撫拾乃取舊志芟其枝蔓剪其矜
誣潤色以卮言詞不詭於經而意不失於誕癸未冬始脫藁
無何而邱君凋謝矣歷下徐君來朝氏自曹擢邨諭乃訂其
訛舛加以藻飾邑庠彥陳生用賓張生守規守範施生傳唐
生堯封數輩或正其錯簡或改其筆札皆有成勞焉嗚呼昔
人譚誌者有謂采之足以備史資之足以宏識因之足以立
政由之足以適治是志也不敢訟言有此數長也若夫山川
田土之等官師人物之詳賦稅戶口之數節孝仙技之流與
夫昔無而今有者載述無遺焉俾後之博雅君子欲新是志
者藉以有所考鏡也已愚不佞夙不能文謹殺青僭言於簡

鄒城縣志

序

十二

末

萬歷十有三臘秋八月既望

序

邑令張三俊

古者太史陳詩以觀民風司市納價以觀民好惡故先王省方巡狩周諮利弊所以修教齊政訓方型俗舉資於此矣今天下遐邇臣寶玉帛萬國聲教所迄無遠弗屆我皇上勵精圖治思欲明目達聰特允閣臣之請勅天下各直省纂修郡邑全誌所爲一道同風備覽庶務樹不朽之鴻規垂訏謨於萬世者誠挈領提綱允得其大體矣猗歟盛哉三俊承乏茲土夙夜惕懼恭思殫精竭慮仰副聖明但鄙邑自經兵燹災震之後遺書散失既苦於編輯之無由又兼舊志自萬歷十三年以後迄今歷年八十有奇其間文獻凋謝復苦於攷訂

鄒城縣志

序

十三

之無徵用是謹同舊令馮君可參與邑中學識兼優恩貢杜賢紹賢庠生梁大胤張壽徐慶淑李珍數人相與朝夕討論旁蒐逸乘遠稽舊聞凡事蹟之昔有而今廢與夫昔無而今有者爲之詳覈釐定增其未備芟其繁冗恐以疎漏浮濫無當採覽如河防兵防事關重務舊志所未載者旁諏近議以備之城廂之昔堅今塌驛站之昔僻今衝者指陳時弊以紀之而田賦之昔僻今荒與戶口之昔蕃今耗者亦必詳考荒耗之由以便稽察若夫職官賢否與節烈孝行一皆準之鄉評採之輿論公是公非揚不至諛刺不傷謗蓋倣諸三代之遺直抑亦以示勸懲也至於災異妖祥一皆考之老成經其

親見然後核實登記卽有年遠無考者亦審闕之罔敢誣也

蓋經始於夏初閱月有五而後脫稿成書蓋亦其難其慎期成信史迄今雖編集告成猶恐逸文殘缺摭拾仍有所未備也獨計鄒邑猶是昔日之故土也試問今日之戶口何以不若昔時之肩摩轂擊也今日之土田何以不逮昔時之禾易長畝也今日之人材何以不逮昔時之鳳舉蟬聯也與夫今日之祠廟公署寺觀橋梁何以不逮昔時之百廢具興也風土不殊而今昔有盛衰之異撫茲凋瘵而扶衰起敝厚生正德之謨三俊用是益深靡盬之懼矣

康熙十二年仲秋既望

鄒城縣志

序

十四

郟城縣志纂修續修姓氏

郟城縣知縣加三級紀錄三次 王植

郟城縣知縣加六級紀錄六次記功六次 張金城

分修

郟城縣儒學教諭 王述德

郟城縣儒學訓導 杜天嘉

原任翰林院庶吉士福建興化府莆田縣知縣邑人王恒

監工

郟城縣縣丞 吳孝曾

郟城縣典史 錢國臣

郟城縣志 姓氏 十五

採輯

邑庠生 王鍵

邑廩生 丁允達

邑廩生 李宗召

分校

邑廩生 侯長炳

邑庠生 謝永年

督工

邑庠生 徐調鼎

邑庠生 劉俊

附纂修姓氏

初志成於萬曆十三年乙酉教諭邱問禮編纂知縣顏若愚

訂正生員陳用賓施傳唐堯封張守規張守範等全校

續志成於康熙十二年癸丑知縣馮可參編纂接任張三俊

訂正貢生杜景韶生員梁大胤張鑑徐慶淑李鈺等全校

又續志定稿於康熙五十年辛卯知縣荆文康編纂接任魏

敬勝訂正貢生蔣廷彬生員徐源淳李鑽杜廷圭馬光祚

張烟等全校

又續志定稿於乾隆十二年丁卯知縣王植編纂

又於乾隆二十八年癸未知縣張金城續纂成教諭王述德

郟城縣志 姓氏 十六

邑紳王 恆訂正邑庠侯長炳謝永年全校

鄭城縣志卷之首目錄

卷首

例言 圖象

卷之一

恭紀巡幸

卷之二

輿地 星野 沿革 疆域 形勝 八景 附山川 溝渠 風俗

卷之三

編年 周秦起至國朝

卷之四

鄭城縣志 目錄

十七

建置 城池 公署 公所 驛遞 鄉社 市集 場圃 道路 橋梁 坊表 陵墓 古蹟 兵防 墩台

卷之五

食貨 戶口 田賦 雜稅 倉儲 物產

卷之六

秩祀 廟壇 各祠 學校

卷之七

秩官 郡守 同知 知縣 縣丞 典史 教諭 訓導 裁官 宦蹟

卷之八

選舉 辟薦 進士 舉人 明經 貢例 武科 封贈 恩蔭 省祭

卷之九

人物上 名賢 儒林 孝友 義烈 隱逸

卷之十

人物下 列女

卷之十一

藝文 文 詩 賦

卷之十二

附餘 雜記 寺廟

鄭城縣志 目錄

十八

列言

一郡邑之志正史所資義例不可不嚴舊如釋宮老室雜人典祀明經誥贈瀾以捐貲邪正未分名器可假殊失春秋謹嚴之義至學校部內普濟漏澤輒附於後尤其陋矣所宜亟爲更正

一事無年經月緯之筆匪惟前此已事多所架漏亦覺各篇紀載漫無統歸今特增編年一帙而併災祥於內大書分列微倣紫陽綱目之遺惟朝廷大政不專爲一邑設者不敢多載以素體制至古略而今詳者文獻不足義當缺疑故耳

列言

十九

一史體大傳後或有贊獨行傳前或有序若篇首皆升小序篇後又附餘論浮詞頗多客反奪主至於名賢宦業傳內稱頌例以史體悉當書名今一爲芟除更正若緒論之有關事要足資採擇者別入藝文以垂可久

一名實關乎勸懲故稱人以孝必詳永言之行頌人以忠必列敬事之蹟稱此而求有徵乃信若公共諛詞無可指據卽譽雖以夷貌陽爲孔孰能禁之若於傳內無名名下贅讀者概不敢入其果事蹟稍備者審入之列傳以昭來許一郡邑志乘原備文獻宦蹟人物獻之實也圖韻摘藻文之華也舊於輿地建置內附入篇咏蕪雜無序且小佳篇藝

文所收更爲寥寥今廣爲搜討盡入本帙或邑之人或邑之事依時代先後以便續入惟同一題者列爲類及

一鄒縣原爲東海郡治稱東海者鄒鄉產也按通志所錄邑賢多註東海鄒人考考海州志每有複見似不免於借才僻壤苦無書史足資考覈然舊志所紀載父老所稱述必有可據當因之勿易至仙釋誕說與二氏之祠不便入於正帙用見存而勿論之意另爲附餘志

一舊志有明以前無考今刊本爲萬歷十三年廣文邱問禮及康熙十二年縣尹馮可參之筆另有抄本未刊者則康熙五十年縣尹荆文康之筆也於邑中事跡皆苦略而弗

列言

二十

詳抄本尤寥寥無幾今雖極力搜索未免杞宋無徵之憾一鄒爲省南下邑接壤水鄉十歲九災民生甚苦如編年內所載災變貧瘠諸事頗爲詳悉又詩中如災民歌神水行文中如義倉論推惠田記皆不啻鄒俠繪圖令讀者惻然悚然後之君子當於此三復勿斂

邑令深澤王植書

郟城縣志卷之一

恭紀巡幸

古先省方問俗行慶有典歷載前籍王者之一遊一豫藉以普其深仁厚澤之施而百姓之蒙補助者益以形其含哺鼓腹之樂也我朝聖聖相傳政成化洽超越前代聖祖仁皇帝暨我皇上時舉巡狩之制凡六飛所臨靡不望翠華而沾鴻恩郟邑爲江省接壤山左通衢輿必歷省耕省斂沐聖主之恩德者屢矣感高厚而歌曠典敢不拜手稽首以紀敷

康熙二十三年秋九月

聖祖仁皇帝稽古東巡十九日昧爽發德音詔東巡徑過地

郟城縣志

恭紀

二十一

方俱加恩卹著將康熙二十四年應征丁銀盡行蠲免除十惡等罪不赦外其餘自康熙二十三年九月二十四日以前死罪軍罪以下已發覺未發覺已結正未結正減赦除之各官除以現在品級已得封誥外凡授職陞職改任者著照新銜封贈九月二十八日出都十一月自江南回鑾十一日渡黃河十三日駐驛紅花埠十五六等日自郟沂取道東兗

二十八年

聖祖南巡道徑山東見收成少歉諭山東巡撫邇年以來各省丁地錢糧已經節次豁免山東丁地正賦欲來歲蠲除該撫先速行曉示又戶部覆准郟城等二十四州縣二十八年

未完錢糧于三十年徵

四十二年

聖祖南巡回鑾由水道過臺兒莊奉上諭朕徑過蒙陰沂州郟城縣等處民有飢色應急行賑救遵旨題定將山東附近州縣漕糧截留二萬石送被災州縣減價平糶州縣並無倉穀卽將截留漕米賑濟

乾隆十六年

皇上南巡二月初二日至郟城道中御製詩一首

龜蒙回望數峯尖大野春光取次拈人意貪程催馬策晴曦送暖入車幃江聲迎客行行近詩趣和春旋旋添

郟城縣志

恭紀

二十二

老幼初逢清蹕至羽林呵禁莫教嚴

恩免經過御路兩傍地畝錢糧十分之三卽日聖駕至郟城五里舖士民建感恩亭於城南三里

立碑頌德

回鑾由郟城至蘭山蒙陰等處凡經過州縣各賜老民銀牌

乾隆二十二年

皇上南巡二月初一日駐驛縣境之北六十里橋頭大營二月初二日駐驛縣境之南十二里曹村大營於初三日駕幸江省恩旨蠲免經過御路兩傍地畝錢糧十分之三凡老民老婦賞給銀牌

乾隆二十六年

皇上南巡巡撫阿於郟城縣治之西三里花園莊建立行宮一座花園莊卽古郟子花園也西建太后寢殿五間照房三間大宮門二座垂柱宮門一座左右各穿廊十餘間中建皇上寢殿五間便殿三間左右配殿六間大宮門三間垂柱宮門一座內宮門一座左右各穿廊十餘間皇上寢殿後建皇后寢殿五間左右配殿六間照房五間左右穿廊各十餘間東建御書房三間外置房十餘間茶膳房六間東西朝房六間宮門外御橋三座皇上於月初一日駐驛縣西北之橋頭大營知縣張金城隨營帶領引見初二日駐驛行宮御製五

郟城縣志

恭紀

二十三

言律詩一首對一聯御書表於寢宮之東次間知縣張金城建立御筆亭於御書房後刻碑恭記焉是日詔見沂州府知府李希賢問及沂沭兩河形勢溫語褒嘉賜字一幅

御製詩

觀民指吳會按頓蒞郟城少皞封嗣後春風駐節餘何當庭館此爲愧肝宵予一宿闌其藉千秋蹟信諸旣成斯不說至止偶相於誰與徵傾蓋因之試訪書

御製對聯

山容積雪融和盎

物象熙春詠蕩披

於初三日出郟境各官送至紅花埠取道赴江南回鑾後奉旨凡辦差文武官弁有叅罰者開復無叅罰者加級與乾隆二十二年同又恩賞緞疋貂鼠荷包等物知縣張金城得賞緞一疋凡經過州縣老民老婦俱賞給銀牌帛肉有差

郟城縣志

恭紀

二十四

疆域

郟城縣在本府南一百一十里

東至江南海州一百八十里至分界馬陵山十八里

西至蘭山縣界三十五里

南至江南宿遷縣一百八十里至分界紅花埠四十五里

北至蘭山縣一百一十里至分界十五里墩十五里

東南至江南沐陽縣一百八十里至分界望海樓三十五里

西南至江南邳州一百一十里至分界齊村四十里

東北至江南贛榆縣一百八十里至分界泉兒頭三十里

西北至費縣一百八十里至分界四十里計東西廣五十三

里南北袤六十里至省七百二十里至京師一千六百七十

里

今按縣境東西南北雖廣袤以五六十里計而東北至石河

保與蘭山接界則九十餘里西北至柳莊保與蘭山接界

則百里且西至長城保與邳州接界則七十里東至樂沙

保與贛榆接界則九十里蓋蘭郟二邑環迴交錯東西兩

域皆界外間以蘭地乃復履郟境而後抵外州縣界不惟

山東江南之門戶實為鄰封紛錯之要區是以姦宄易藏

防察難密治斯土者勿謂彈丸之區可以牛刀漫試也列

之衝繁難三字缺中良不可易

形勝八景附

北連魯莒南控海邳河流則沂沐雙潑巖壑則虎龍互抱

志

南控淮津北接瑯琊沐水經其東沂河環其西首全齊尾東

魯桓秦門距圯上為南來之要衝實東州之巖邑

舊志

邑有八景舊志所載曰郟封故壙曰由吾仙洞曰方湖蓮謳

曰白馬漁唱曰書院琴聲曰海樓雲影曰沂曲春波曰馬

陵山月其一二五六見古蹟三四七八見山川康熙間蒲

城詩人屈復流寓於此更定八景如左

海樓朝霞 城東南三十里馬陵山巔一峰員峭特起結為

郟城縣志

輿地 疆域 二十八

石樓世傳孔子登此望海日出時紅霞建標遠起蓬島近

接嵐光

石門夜雨 城東北五十里紫山環翠巨石坪開青椒兩壁

夾立成門俗傳子路宿處一溪貫中東注永夜瀟瀟如聞

雨聲

仙洞雲壑 城東南三十里由吾洞山開一罅澗長數里上

懸石壁下橫深潭邃岸參差相對巔岨阻絕鳥道微通

禹亭柳鶯 城東七里禹王臺畔長堤橫臥萬柳參天春日

綠陰颭水雪浪薄雲坐聽鶯鳴如笙簧流韻

沂水春帆 城西三十里沂河西流林木夾岸葱鬱直接下

今按沐水在郟城境者其北循馬陵山東因勢爲山阻大禹鑿山二十丈穿峽而過遂循山西皆南行西岸原有石壩名禹王臺抵禦泛濫明正德中縣令黃琮拆取壩石以甃城嗣致沐水西決由城北西會白馬河越沂河直入路馬湖江南邳宿等邑皆受沐水之害本朝康熙二十八年總河王新命奏請以竹絡載石築壩堵禦水患始息後漸衝卸雍正八年總河嵇曾筠重修玲瓏石壩南北長六百四十丈兩頭又接築土堤通長八千七百十五丈俱動帑興築按年保固後仍歸民修本縣縣丞專管沂郟海嶺同知兼轄兗沂曹道統轄壩夫二十名由運河道歲發各廳

郟城縣志 輿地 山川 三十一

縣解撥工食銀一百九十九兩有奇不時防修每伏汛時由江南撥河兵防險乾隆十三年知縣王植議興水利勘查沐河西岸北自蘭境堰上起計七里入本縣重沙保伏莊歷許橋曹醋朱塘等保共四十六里至嶺南頭入蘭山境逕計山集劉莊夏家營共五十里俱蘭境穿山而西入本縣歸義保之山口石歷龍門曹張蒲寨林重殷西嶺紅花埠等保共四十五里至界牌寺入江南宿遷縣界東岸北自蘭境馬莊計二里入本縣重沙保葉埠村歷許橋牛家莊朱塘等保共五十五里至小克入蘭境逕代間黃家園杜子村共三十三里俱蘭境至陰山入江南海州境逕

中寨古寨共十三里由古寨穿山而西又歷本縣龍門曹張重殷姚馬紅花埠等保共四十五里至沙窩莊爲宿遷界統計境內河形惟穿山西出之始寬可四里許自是而南寬俱二里許至一里半里不等下游漸更窄小故入海甚遲除兩岸土石工無庸議外東岸舊堤圯卸始盡夏秋水漲時東有馬陵山山水數道衝成長溝直下入河河水逆接而上致龍門紅花埠等數保田廬歲多墊溢且玲瓏石壩原陰留餘隙西洩三分之二水以殺浩濶之勢乾隆十二年總河周學健飭將石壩東而填築實土不使西洩水漲則勢倍於前墊溢更甚縣議欲將東岸四十五里通築

郟城縣志 輿地 山川 三十二

二尺小堰再於山水衝下入河處酌開涵洞數座以便啓閉尋常之水既可保其田廬倘河水大漲時仍不致西堤受奪爲患經大學士高斌委員勘覆竟格不行現雖勸民自修然民力有限成之未易

沂水在城西北二十里一名大沂水自臨朐縣沂山西嶺發源有二支南支出柞泉山北支出魚窮山合成一川東南入沂水縣界一會松仙河水經注所謂螳螂水也源出蒙陰縣北魯山之松仙嶺東南流逕沂水縣之釣魚臺又東合於沂一會南川河水經所謂源出艾山寰宇記以爲卽狗泉是也源出蒙陰縣北魯山南麓東南逕雕崖山至臨

樂山又東流至高莊合於沂又東南逕鳳凰山之織女洞至蓋縣故城南又東逕浮來山又南逕爆山受張莊泉又南有小沂水入之又南合閭山之水又南有大石泉水入之又南與東汶河會沂水縣境內行一百七十里入蘭山縣界又南有蒙山水入之又南有孝河水入之又南至沂郛城北與淩水會又南逕郛城東門外受涑河之水又南至李家莊轉而西南至江風口南經華埠村尙莊至紅佛寺入郛城境又西南過重坊集入江南邳州界郛境行五十里又南有白馬河水入之又南會武河水分爲二支一支由徐塘口西南入運一支南入路馬湖東南入海

城縣志 輿地 山川 三十三

今按沂河東岸自蘭山朱王寺入本縣石河保歷青山保行三十二里至蘭境李家莊經諸葛店至城前村計三十二里皆蘭境又入本縣曉南北保歷園站馬頭蒲曠孫堰新寺等保行四十八里至齊村入邳州界西岸自蘭山南營子村入本縣池東保歷蒲曠出北重高等保行四十五里至駱家集入邳州界兩岸雖俱有舊堤而歷有衝決多在西岸兼有江風口橫出之水由沂武二河之間普漫而來致蒲曠重高等保內田廬十歲九災乾隆十三年沂州府知府盧憲觀據蘭郛二縣轉稟巡撫都院阿里衮具奏先後奉旨命大學士高斌總河完顏偉勘估奏准以工代賑

將蘭郛二邑沂河兩岸分別幫創大加興築郛境土工計銀四萬三千四百二十五兩有奇又石工馬頭出口琵琶溝秦家村等四處計銀五千六百二十六兩有奇分修者知縣王植教諭謝怡縣丞張士英典史余宗煒外有原冊未估之西岸坊紹莊二百丈東岸龍汪岸一百丈樊家口一百餘丈王植自行捐築自本年四月興工迄九月始告竣於下游邳州境內亦經總河周學健奏請接築直達駱馬湖

武河在縣西四十里卽涑水自費縣西南桂子崗下天井汪發源費境行六十里東至朱保村入蘭山界又東至堰上

郛城縣志 輿地 山川 三十四

村分爲二支一支東流至郛城西門復分二支環城而入於沂一支南流爲武河至莊塢頭村入郛城界至耿家墩有蘇河入之又南至紅溝圈入江南邳州界有燕子河入之又西南會淪水由淪口入運河

通志

今按武河北自蘭邑莊塢頭五里入本縣池東保老楊家莊以下東岸郛地西岸蘭地間有互錯亦不甚多行十八里逾雙石橋至蒲曠保戚家莊皆寬可二十丈深二丈內外不等南爲池橋口勢漸窄僅十丈內外不等再六里至東湖埠形漸淺又南六里至出北保大劉家莊又十二里逾武河涯至小紅溝圈河西爲邳州地東仍郛地又十里至

重高保元家莊入邳境會燕子河約六十里而入運查乾隆八年曾查奏事案內開武河堤堰蘭邑境內即多殘缺及邳境內東湖埠劉家口等處向未有堤有害民田等語今勘境內池橋口以上二十餘里河形尚深兩岸或有微堤或無堤再南三十餘里則全無堤堰且淤淺易溢而池東之杜家園山北之范家園大劉家莊徐家莊小紅溝等處皆有決口內半屬蘭地乾隆十三年議興水利知縣王植請就河身取土兩岸修四尺小堰疏築並行經南河委員議以沂水之江風口舊有一支西入武河今築石壩二道使沂水南行不至大爲西洩俟石壩工竣後經歷伏

邳城縣志 輿地 山川 三十五

秋二汛再勘水勢相機辦理遂暫止然邑西一帶保分東有沂河堤工抵禦而西有武河之水仍不免復淹所當再行勘議

蘇河出縣境橋頭莊南流逕蘭邑之下莊蘭山屯復由本縣境東南入於武水今已湮塞不通

燕子河在芙蓉武河之間出蘭山南龍王堂逕柳莊至磨山北復分二支一循萬松山逕邳境之優婁山轉入武水一由紅花溝逕鴨旦村左會神山水入邳州界達於運河

今按燕子河發源之龍王堂即本縣柳莊保地源出村西南

牛里許石穴寬二丈餘深三尺餘又三里至爲兒橋皆縣境又三里至小主墩係蘭地又三里入縣境神山保之西莊集又八里至道莊保西河頭又十里入蘭境道莊屯又南入縣境磨山保之萬松山又二十里入蘭境之官莊屯又二里入縣境資家村又八里入蘭境之河頭屯又十里入縣境四哨保之墩頭莊又五里至長城保之爲女橋兩岸皆蘭地又二十里入邳州境高莊社由優婁山東約六十里入運查西莊集一帶河形寬三丈深五尺餘西河頭以下寬丈餘深尺餘磨山長城一帶寬僅八九尺而已又查乾隆八年遵旨查奏事案內開河在蘭境尙屬深通惟

邳城縣志 輿地 山川 三十六

邳境四哨保起至邳州交界之優婁山均屬淺阻應行勘議等語乾隆十三年議興水利知縣王植勘丈此河百里間上七十里尙有河形下三十里已經淤塞且四哨長城二保原屬水鄉雍正八年以後始漸成田陸續墾科若不疏濬以通上游之水必復爲墊溢經南河委員勘議亦俟沂河工竣後再酌量挑修

芙蓉河在縣西即蘭山之東沭河其發源自費縣箕山下南流入蘭境徑卡莊匯入邳城之芙蓉湖又南入邳州界至三合村受陽明河水又與西沭水會又南合於武河至沭口入運

今按芙蓉河與東沔西沔水各爲一河乾隆八年遵旨查奏
事案內開河在蘭鄆交界處名官橋河鄆境內名芙蓉河
入邳州境名柴溝河又名艾山河雖蘭境內亦有一節名
曰東沔者其實止是一河在官橋以上河道原屬深通以
下蘭鄆聯界及邳州境內均有淤淺乾隆八年三月爲除
水患等事案內估報銀五千二百餘兩今准江南河院咨
覆東沔河估需銀七千餘兩覆勘深通無庸挑浚等語事
屬兩歧蓋邳州與嶧縣接界另有東沔正河與官橋柴溝
等處無涉等因在案今勘查此水自本縣芙蓉保後營子
莊入境河形寬三四丈深一二丈不等再五里過蘭境十

鄆城縣志

輿地 山川 三十七

莊保之宋家莊等村計十里又入縣境四哨保之尤家莊
河形僅寬二丈餘深四五尺不等再八里入蘭境南橋之
任家莊河形止寬一丈餘再一里許入縣境長城保之周
家莊河漸淺至一二尺再三里至官橋東岸鄆地西岸蘭
地河身漸至淤塞其正河淤塞處自鄆境李家宅西北逕
新莊共四里餘入蘭境南橋保之土垠頭莊又四里餘入
鄆境長城保之蘆汪莊再里許下接鄆境柴溝河由優婁
山西約五十餘里入運此卽江省勘估五千餘兩之處也
另自官橋東分一支東南漫流一里許至李家宅北下入
鵝日河爲燕子河支流歸鄆境韓莊湖澤蓄乾隆十三年

議興水利知縣王植請自官橋以下照原估挑修亦未議
准而罷

又按東沔西沔二水在芙蓉河之西各爲一河十三年經委
員勘明有圖 通志亦誤

白馬河在縣北十里源出蘭山縣花園寺南流至榆林村入
鄆城界會九龍山之水西逕傾蓋亭又西逕圍溝至馬頭
入於河 通志

今查通志多誤勘查此河起於縣城東北五十里祭旗山南
而其源有三一自山前保山前莊東發源過蘭境方莊柳
溝泉兒頭至鮑莊會花園寺山河水行二十餘里通塞相

鄆城縣志

輿地 山川 三十八

間至本境顏家莊一自正北蘭境高家莊三老汪水頭南
行十里至顏家莊一自正東蘭境南泉莊山河流入顏家
莊會爲一處寬可十餘丈深一丈許西行八里至土門保
之十里舖又十五里南至盛際保園子莊又六里至大坊
保周家莊又十八里至冷村保邵家莊又十二里至張家
集保坊上莊又二十二里至官莊下接邳州小倪社之邳
家樓境內共八十餘里皆寬十五丈二十丈不等深一丈
二丈不等再南行四十里至分水龍王廟始會入沂河再
南十二里入駱馬湖河兩旁並無隄岸各保湖田之水亦
未有小渠通入雖不爲害亦無水之利乾隆十三年議興